

starogradski

OPĆINA STARI GRAD
SARAJEVO



MUNICIPALITY OF STARI
GRAD SARAJEVO

haber

BESPLATAN PRIMJERAK ● MART, 2020. broj 45.

**CORONAVIRUS
COVID 19**

**Odgovorna
lokalna
zajednica:**

**Pravovremena pomoć
građanima i ekonomiji**

- 2-6 Završena četiri kapitalna projekta
7-10 Preventivne mjere sprječavanja corona virusa
13 Dan otvorenih vrata
14-18 Infrastruktura
20-21 Predstavljamo prijateljske općine



Impressum

- Izdavač:** Općina Stari Grad Sarajevo
Pripremili: Almedina Porča
Alma Imamović
Jasenko Jašarević
Nedim Šahović
DTP: Safet Mališević
Fotografije: Safet Mališević
Nedim Šahović
Štampa: "Blicdruk" d.o.o.
Adresa: Zelenih beretki br. 4
71000 Sarajevo
web: www.starigrad.ba
e-mail: info@starigrad.ba
Telefon: +387 33 282 491



Projekti

Završena četiri vrijedna 13,3

Svečanim programom na Dan nezavisnosti predstavljena četiri kapitalna projekta • Počela sa radom podzemna garaža i višenamjenski trg • Izgrađena sportska sala, rekonstruisani Dom zdravlja i općinska zgrada • Hanka Paldum i KUD Baščaršija zabavljali prisutne • Privrednici počastili građane



Načelnik Hadžibajrić sa Ambasadorom Saudijske arabije i delegacijom Saudijskog fonda za razvoj

Stvaranje kvalitetnih uslova za život građana, pogodnog poslovnog okruženja za razvoj privrede, osiguranje prostora i ambijenta za kvalitetnu zdravstvenu zaštitu i rad u obrazovnim institucijama bili su ono čime se Općina Stari Grad Sarajevo, predvođena općinskim načelnikom mr Ibrahimom Hadžibajrićem, vodila pri gradnji četiri kapitalna projekta u 2019. godini. Za manje od deset mjeseci izgrađena je prva javna podzemna garaža sa višenamjenskim trgov u ovoj općini, nova sportska sala

za OŠ "Edhem Mulabdić", potpuno obnovljen Dom zdravlja Stari Grad i administrativno sjedište Općine. Gradnja svih projekata počela je 25. marta 2019. godine, a finansirani su kreditnim sredstvima Saudijskog fonda za razvoj, u visini od 13,3 miliona konvertibilnih maraka.

Svečani program na Dan nezavisnosti

Simbolično, na jedan od najznačajnijih datuma u historiji BiH - 01. mart Dan nezavisnosti, ovi projekti predstavljani

kapitalna projekta miliona maraka



Hadžibajrić se obratio prisutnima

su programom na višenamjenskom trgu, prekoputa Vijećnice. Prvi put na trgu je održan svečani program kojem je prisustvovalo više stotina građana. Otkrivanjem ploče sa imenima investitora i kreditora, na trgu, zvanično je počela sa radom podzemna garaža, a ploču su otkrili općinski načelnik mr Ibrahim Hadžibajrić, predstavnici Saudijskog fonda za razvoj mr Abdullah Alromeih, ing Sulaiman Alwetaid i ing Bandar Alharbi, kao i ambasador Kraljevine Saudijske Arabije u BiH Hani Abdullah M. Mominah.

Općinski načelnik Ibrahim Hadžibajrić je istakao da su ovo projekti koji će služiti građanima i da je to bio primarni cilj kada je odlučeno da se krene u njihovu izgradnju, naročito rekonstrukcija Doma zdravlja gdje će građani osjetiti najviše benefita sa novim poboljšanim uslugama. Također, istakao je da je sretan što se na ovakav način proslavio Dan nezavisnosti BiH.

„Ovo je jedan od načina da se obilježi Dan nezavisnosti BiH, da prestanemo sa stereotipima i da ovakvim primjerima ljudima vratimo nadu, polet i nešto pozi-



KUD "Bašćaršija" izveo splet narodnih igara



Hanka Paldum zabavljala prisutne



Brojne poslastice za građane

Građani uživali u brojnim specijalitetima

Općina Stari Grad zahvaljuje se privrednim subjektima koji su uzeli učešća u ovom projektu: Coca Cola BiH, Vispak, Slatki butik BADEM, Restoran Chipas, Pekara Poričanin, Kafe-pekaru Mrvica, Čevabdžinica Dženita, Čevabdžinica Zmaj, Restoran Slatko&slano, Ibes, Hoše komerc, Buregdžinica Bosna, Slastičarna Sarajbosna, Aščinica ASDž, Pekara Mahir, Pekara Edin, Pekara Memović Bistrik, Slastičarna Vijećnica, Slastičarna Jasmin i Skuter d.o.o.

Projekti



Podzemna garaža sa višenamjenskim trgom



Garaža na dvije etaže



Ulaz iz pravca mosta



Punjač za električna vozila

tivno, da građanima damo projekte koji vode do novog zapošljavanja i ostanka mladih u Bosni i Hercegovini. Smatram da je to najbolji način kako se obilježava Dan nezavisnosti države kao što je BiH,“ poručio je načelnik Hadžibajrić.

Podzemna garaža sa višenamjenskim trgom

Podzemna garaža sa višenamjenskim trgom najveća je investicija od spomenuta četiri kapitalna projekta i izgrađena je za devet mjeseci. Ima dvije podzemne etaže i krasi je višenamjenski trg sa zelenim površinama i dječijim igralištem, koji se prostire na 2.950m². Gradnja podzemne garaže predstavljala je veliki izazov. Početak projekta obilježilo je izmiještanje podzemne infrastrukturne

mreže – vodovodne, kanalizacione, elektrodistributivne što je bio zahtjevan posao. Nakon toga uslijedilo je pobijanje šipova za stabilizaciju terena prije iskopa gradilišne jame dubine deset metara. Pobijeno je 98 šipova. Da bi se izgradila ova garaža iskopano je 30.000m³ zemlje, ugrađeno 6.500m³ betona i više od 650 tona armature. Konstantno crpljenje

podzemnih voda vršeno je gotovo 4.500 sati (što je više od 6 mjeseci).

U samoj garaži ugrađena je najsavremenija oprema provjerenih proizvođača: parking senzori, centralno upravljanje kontrole ulaza i izlaza savremeni sistem zaštite od požara, kao i sistem ventilacije i odimljavanja prostora. Kompletan parking je pokriven video nadzorom, a

Dječije igralište i zelene površine

Na višenamjenskom trgu je postavljeno dječije igralište sa pratećim mobilijarom, te izvršeno hortikulturno uređenje. Na predviđenim zelenim površinama zasaden je ukrasno grmlje i sadnice japanske trešnje i urađeno ozelenjivanje površina. Površinom je ovo najveći trg u Kantonu Sarajevo.



Igralište za najmlađe

na ulazu je ugrađen displej koji pokazuje broj raspoloživih mjesta na etažama. Garaža ima i najmoderniji elektro punjač za vozila koji je postavila kompanija Porsche BH i građani ga mogu koristiti potpuno besplatno. Vrijednost ovog projekta je oko sedam miliona konvertibilnih maraka.

Sportska sala OŠ "Edhem Mulabdić"

Prvi projekat koji je završen bila je sportska sala OŠ "Edhem Mulabdić" koja je zvanično otvorena 01. oktobra, 2019. godine. Srušena je stara fiskulturna sala koja je bila nefunkcionalna za izvođenje nastave, imala je neadekvatne sanitarije, oštećene zidove i podove, dotrajalu opremu... Na njenom mjestu Općina je izgradila modernu sportsku dvoranu sa pratećim prostorima: kabinetima, učionicama, svlačionicama, toaletima i prostorijama za sprave. Sala je dobila i novu opremu: golove, koševе, komplet za odbojku, strunjače i drugo. Nova sala pruža mnogo bolje uslove za rad za oko 500 učenika koji godišnje pohađaju OŠ "Edhem Mulabdić", jednu od najstarijih odgojno-obrazovnih ustanova u gradu. Projekat je koštao oko 1,5 miliona konvertibilnih maraka.

Administrativno sjedište Općine Stari Grad

Potpuno novo ruho dobila je i zgrada Općine Stari Grad koja je sagrađena i useljena 1980. godine. Ratna razaranja i godine koje su prošle učinile su da je objekat bio potpuno nefunkcionalan i nije zadovoljavao standard energetske efikasnosti. Na objektu je urađena zamjena bravarije i postavljanje novih prozora na ukupno 200 pozicija, a postavljeno je i 1.103 novih rasvjetnih tijela. Urađena je termoizolacija fasade na površini preko 3.000m², izgradnja nove kotlovnice na GAS i lož ulje, sanacija ravnih krovova. Radovi su izvedeni na objektima A, B i C, a rekonstruisana je i pasarela koja ih povezuje. U završnici projekta urađena je i rekonstrukcija šalter sale. Projekat je koštao gotovo dva miliona konvertibilnih maraka.

Poklon kazandžija

Dvojica kazandžija sa Bašćaršije, koji čak imaju i ista imena, Ismet Huseinović, u ime svog esnafa uručili su načelniku Hadžibajriću i gostima iz Saudijske Arabije Ahnamu i podzemnu garažu sa višenamjenskim trgom iskovane u bakru, kao sjećanje na ovaj dan.



Pokloni u znak sjećanja



Nova sportska sala OŠ "Edhem Mulabdić"



Urađeno utopljanje zgrade Općine



Pasarela Općine Stari Grad



Sala 109 Općine Stari Grad

Projekti



Potpuno obnovljen Dom zdravlja Stari Grad

Dom zdravlja Stari Grad

Rekonstrukcija Doma zdravlja bila je jedan od većih zahvata. Da bi se povećao kapacitet objekta urađeno je nadziđivanje sjevernog i južnog krila čime se cijeli kompleks doveo u jednu ravan. Time je Dom zdravlja dobio devet novih prostorija. Prvi put u objektu je sagrađen lift i koridori koji povezuju prostorije i odjeljenja, kao i nova čekaonica.

Podjednako se radilo u unutrašnjosti objekta, kao i na vanjskim dijelovima. Postavljena je nova fasadna bravarija i unutrašnja stolarija, a na cijelom objektu je ugrađeno 448 novih prozora i vrata. Urađena je nova krovna konstrukcija. Objekat je dobio novu fasadu na površini većoj od 2.100 m².

U objektu je izvršena zamjena vodo-vodnih i kanalizacionih instalacija, elektro i mašinskih instalacija, te hidroizolacija u podrumskim prostorijama.

U svim toaletima zamijenjene su sanitarije, te ugrađeno više od 500m² nove keramike- zidnih i podnih pločica. Postavljeni su novi PVC podovi u svim prostorijama, uređen je atrij, ugrađene požarne čelične stepenice, sanirana kotlovnica. Sada je objekat potpuno funkcionalan za rad, a postignuto je i da pruža nove, proširene usluge. Vrijednost ovog projekat je oko dva miliona maraka.

U svečanom programu povodom predstavljanja ovih projekata nastupila je i Dalila Karamehmedović, učenica OŠ "Šejh Muhamed efendija Hadžijamaković" koja je kroz recital „Najljepše mjesto“ poručila zašto učenici vole svoju općinu i kako je vide. Prigodnim govorom obratio se i akademik prof. dr. Ejup Ganić, ratni član Predsjedništva RBiH, a građane su zabavljali KUD Bašćaršija i Hanka Paldum. Na kraju događaja brojni građani počašćeni su delicijama i specijalitetima koje su pripremili privrednici iz Starog Grada, ali i cijelog Sarajeva.



Nove protivpožarne stepenice



U obilasku Doma zdravlja



Bolji uslovi za pacijente



Oftamološka ordinacija



Odgovorna lokalna samouprava

Od prvog dana preventivne mjere i zaštita ekonomije

Zaštita građana i uposlenika od mogućnosti širenja zaraze • Jednokratne pomoći za najugroženije kategorije • Olakšice za zakupce općinskih poslovnih prostora i javnih površina

Općinski načelnik mr Ibrahim Hadžibajrić, kao komandant Općinskog štaba civilne zaštite, sazvao je hitnu sjednicu štaba 15. marta, 2020. godine povodom vanredne situacije zbog pojave korona virusa i poduzimanja hitnih mjera i aktivnosti.

“Moramo biti svjesni situacije i u kojoj mjeri ovo pogađa našu općinu i naše građane. Naša je obaveza da u ovoj situaciji preuzmemo dio tereta na sebe i kao lokalna zajednica pomognemo najugroženijim, olakšamo poslovanje privednim subjektima i spriječimo otpuštanje radnika,” istakao je Hadžibajrić tokom vanredne sjednice. Istakao je da je općina Stari Grad lokalna zajednica koja najvećim dijelom živi od turizma, te da će posljedice zbog problema koje u turizmu izaziva korona virus biti velike. Iz tog razlo-

ga, Opštinski štab civilne zaštite Stari Grad jednoglasno je prihvatio prijedloge općinskog načelnika i komandanta štaba da se izdvoje sredstva u iznosu od 500.000 KM za pomoć ugroženim kategorijama.

Sačinjeni su timovi od uposlenika Općine Stari Grad koji su raspoređeni su na sve mjesne zajednice u ovoj općini kako bi uručili novčanu pomoć teško ugroženim građanima koji žive na rubu egzistencije. Odlukom koman-

danta Općinskog štaba civilne zaštite, načelnika mr Ibrahima Hadžibajrića, ova kategorija stanovništva dobila je po 200 KM pomoći za kupovinu hrane, lijekova, higijenskih potrepština, a usljed stanja nesreće proglašenog u cijeloj zemlji zbog širenja virusa korona.

“Službe su radile na evidentiranju stanja na terenu i ljudi koji su teško ugroženi, socijalni slučajevi. Pomoć smo prvo usmjerili prema onima koji nemaju apsolutno nikakva primanja i

Pomoć dobili oboljeli, višečlane porodice i oni bez primanja

Iz Službe za lokalni razvoj i poslove mjesnih zajednica pojasnili su da je u prvom krugu pomoć podijeljena onima koji nemaju primanja, imaju teško oboljele članove, onkološkim pacijentima, višečlanim porodicama i slično. Istakli su da se ne radi o redovnoj podjeli jednokratnih pomoći za koje su građani ranije aplicirali Službi za boračko-invalidsku i socijalnu zaštitu, već o podjeli interventnih sredstava za najugroženije, a među kojima sigurno ima onih koji nikada nisu ni tražili pomoć.

Borba protiv corone



Podijeljena pomoć najugroženijima



Uposlenici išli na kućne adrese

Najbliži saradnici načelnika dijelili pomoć korisnicima javnih kuhinja

U subotu, 14. marta, na teren u Starom Gradu izašli su pomoćnici načelnika i njegovi najbliži saradnici kako bi sa sekretarima mjesnih zajednica odnijeli pomoć korisnicima javnih kuhinja, na kućne adrese. Više od 80 korisnika tog dana dobilo je po 200 KM za hranu, lijekove i higijenske potrepštine, a među njima je bilo i dosta onih koji maju više od 65 godina i koji zbog zabrane nisu smjeli napuštati svoje domove, samim tim ni otići po obrok u javne kuhinje.

žive na rubu egzistencije. Naše mjesne zajednice poznaju stanje na terenu i stvarne potrebe i pri ovoj podjeli smo se tim vodili jer pomoć prvo moraju dobiti najugroženiji, “ izjavio je komandant štaba, načelnik Hadžibajrić.

Dio sredstava podijeljen je na kućne adrese, a drugi dio koji je obuhvatio demobilisane borce sa pravom na egzistencijalnu naknadu i nezaposlene porodilje, uplaćen je putem žiro računa. U prvom krugu podjele, pomoć je dobilo ukupno 589 socijalno ugroženih lica u Starom Gradu.

Zadužena je Služba za lokalni razvoj i poslove mjesnih zajednica da, u

skladu sa realnim stanjem na terenu, sačini novi spisak korisnika, a koji će obuhvatiti kategoriju penzionera sa minimalnim penzijama koje iznose od 170-225 KM i kojima će također biti podijeljeno po 200 KM.

Pomoć za Narodnu kuhinju

Komandant Štaba, načelnik Ibrahim Hadžibajrić uručio je 25.marta 10.000 KM sredstava interventne pomoći Narodnoj kuhinji Stari Grad, dok je početkom istog mjeseca kroz redovni grant ovoj ustanovi uplaćeno još 20.000 KM.



Hadžibajrić i tetka Zilha

Ukupan iznos kojim je pomognut rad Narodne kuhinje i koji će biti iskorišten za humanitarne pakete za najugroženije je 30.000 KM.

“Ova sredstva ćemo iskoristiti da kupimo humanitarne pakete i da podijelimo ugroženim građanima. Mi ćemo se potruditi da to budu kvalitetni humanitarni paketi, oni budu teški i do 19 kg i ova donacija me baš obradovala. Nama ova donacija olakšava da pomognemo starim ljudima koji su potpuno nepokretni i kojima dostavljamo hranu. Narodnoj kuhinji je načelnik Hadžibajrić već uplatio naša redovna sredstva, a ovo je dodatna pomoć i neizmjereno smo zahvalni na tome,” kazala je tetka Zilha.

Pomoć privrednicima i oslobađanje od plaćanja zakupnina

Komandant Općinskog štaba civilne zaštite Stari Grad, načelnik Ibrahim Hadžibajrić sazvaio je 25. marta treću redovnu sjednicu Štaba na kojoj su donešene mjere u cilju olakšavanja poslovanja privrednika u ovoj općini. Na početku sjednice, komandant Štaba, načelnik Hadžibajrić istakao je da je realni sektor već u ozbiljnoj krizi i da sve više dolazi do pojave otpuštanja radnika. Još jednom je ponovio da javni sektor mora preuzeti dio tereta kako bi se olakšalo privatnom sektoru.

„Javni sektor zavisi od rada realnog sektora i zato sad moramo pomoći. Sve više dobijam informacije da određeni privredni subjekti koji izuzetno dobro posluju zatvaraju objekte i uposlenike stavljaju na minimalna primanja kako ih ne bi otpustili, ali je pitanje dokad će izdržati. Kao lokalna zajednica zasad im možemo olakšati oslobađanjem od plaćanja zakupnina. Danas donosimo odluku kojom ćemo sve zakupce općinskih poslovnih prostora u potpunosti osloboditi plaćanja zakupnine za mjesec april,“ kazao je Hadžibajrić. On je pojasnio da se odluka odnosi na korisnike općinskih poslovnih prostora kao i javnih površina kao što su parkinzi i slično. Štab je ovu odluku prihvatio jednoglasno, ali je važno naglasiti da se od odluke izuzimaju objekti kojima nije zabranjen rad, a to su: bankarski sektor, pekare, apoteke i prodavnice prehrambenih artikala, a koje se nalaze u općinskim poslovnim prostorima.



Operativni centar OŠCZ

Oformljen Operativni centar OŠCZ

Komandant Općinskog štaba civilne zaštite, načelnik Ibrahim Hadžibajrić formirao je 20. marta Operativni centar civilne zaštite Starog Grada koji je na raspolaganju građanima za sve vrste upita, podataka i određene vrste pomoći. Operativni centar civilne zaštite Stari Grad čine općinski uposlenici i dostupan je svaki dan od 0-24 sata na broj telefona 033/282 336 i e-mail adresu cz@starigrad.ba. Primarni zadatak Operativnog centra je da prikupi podatke, te da ih proslijedi na obradu nadležnim službama. Operativni centar, koji trenutno čini dvanaest uposlenika, dosad je zaprimio i obradio veliki broj poziva i e-mailova. Većina njih se odnosila na Službu za lokalni razvoj i mjesne zajednice i Službu za boračko - invalidsku i socijalnu zaštitu, tako da su oni po hitnoj proceduru proslijedeni na obradu. Radi lakše komunikacije između službi napravljeni su i formulari koje članovi Operativnog centra popunjavaju

prilikom razgovora sa strankama. Svi su u obavezi da nakon svoje smjene naprave izvještaje, a na kraju dana Kantonalnom operativnom centru civilne zaštite šalje se sumirani izvještaj - koliko je primljeno poziva, kakvi su bili zahtjevi, ko je dežurao i ostalo. Operativni centar svakodnevno koordinira sa Domom zdravlja Stari Grad, Narodnom kuhinjom „Stari Grad“ i Crvenom križom Stari Grad.

Hitno pozvati medicinski kadar sa evidencije Biroa za zapošljavanje

Na trećoj redovnoj sjednici Općinskog štaba CZ-a Stari Grad, održanoj u proširenom sastavu, doneseni su zaključci kojima se nastoji poboljšati zdravstvena briga i zaštita građana u momentu širenja virusa COVID 19.

Sjednici je, između ostalih, prisustvovao i direktor JU Domovi zdravlja KS dr Mehmed Kulić koji je kazao da je u stalnom kontaktu sa komandantom

Zaštitna oprema za Dom zdravlja i Fond memorijala

Pored finansijske pomoći najugroženijim stanovnicima naše općine i mjera određenih prema privrednicima, podrška je usmjerena i ka najbitnijoj zdravstvenoj instituciji u Starom Gradu, a to je Dom zdravlja Stari Grad, kao i Fondu memorijala. Osoblje Doma zdravlja Stari Grad je dobilo bolničke kape, hirurške rukavice, maske i naočale, gumene rukavice itd.. JU “Fond Memorijala KS” isporučeno je 2.000 komada zaštitnih rukavica.



Treća redovna sjednica Štaba civilne zaštite

Borba protiv corone

Formirati Timove za palijativnu njegu

OŠCZ Stari Grad izdao je naredbu Domu zdravlja Stari Grad Sarajevo, koji je služba zaštite i spašavanja Općine Stari Grad u slučaju prirodne i druge nesreće, da hitno formira Timove za palijativnu njegu, te da svakodnevno do 10,00 sati putem maila cz@starigrad.ba izvještava štab o poduzetim aktivnostima/intervencijama. Ova naredba donesena je kako bi se pružila medicinska njega i pomoć velikom broju starijih građana koji su nepokretni, bolesni i žive sami.

Štaba, načelnikom Hadžibajrićem i da se prati situacija u Starom Gradu po pitanju virusa korona. Direktor Kulić je upoznao Štab da je već izvršena nabavka određene zaštitne opreme za koju je upravo ovaj Štab odobrio sredstva u iznosu od 25.000 KM, a preostala je još nabavka zaštitnih skafandera i maski. Na sjednici je bilo dosta govora i o nedostatku medicinskog kadra koji je, prema riječima direktora Kulića, bio izražen u svim domovima zdravlja i prije pojave virusa COVID 19. Iz tog razloga, Općinski štab donio je sljedeći zaključak:

„Moramo učiniti sve da pružimo adekvatnu zdravstvenu zaštitu našim građanima. Sa današnje sjednice upućujemo zahtjev premijeru KS i ministru zdravstva KS da se po hitnom postupku pozovu sva nezaposlena lica medicinske struke – ljekari i medicinske sestre, koji su u evidenciji Biroa za zapošljavanje i angažuju za rad u ovim okolnostima. Predlažemo da Vlada donese odluku kojom će sredstva Zavoda za zapošljavanje KS namijenjena za druge programe preusmjeriti u ove svrhe, te da se medicinskom kadru koji će se uposliti osiguraju primanja prema platnim razredima za medicinsko osoblje, „ poručio je komandant Štaba, načelnik Hadžibajrić.

Kako bi se prevazišli problemi sa bolesnim i nepokretnim licima u Starom Gradu, angažovano je i stručno osoblje



Dezinfekcija platoa ispred Općinske zgrade

Centra za promociju i unapređenje zdravlja „Generacija“ koji će obilaziti stare i nepokretne osobe i pomagati im u skladu sa svojim mogućnostima.

Mjere za zaštitu uposlenika i građana

Inače, preventivne mjere u Općini Stari Grad stupile su na snagu 09.marta kada je kretanje građana/stranaka ograničeno samo na prostor Šalter sale. Kako bi se djelovalo preventivno i ograničila mogućnost širenja zaraze, rad Šalter sale skraćen je od 09,00 do 13,00 sati. Svim strankama koje se obraćaju za neku od usluga u općinskoj šalter sali, naloženo je poštivanje distance od 1,5 metara između osoba i dezinfekcija ruku, dok uposlenici na šalterima rade sa zaštitnim maskama i rukavicama. Izvršena je i dezinfekcija svih općinskih prostorija u objektima A, B i C općinske zgrade.

Izdat nalog Dobrovoljnom vatrogasnom društvu „Vratnik“ da vrši dezinfekciju ulica u općini Stari Grad Sarajevo, u koordinaciji sa Službom za civilnu zaštitu Općine Stari Grad, a na način da se peru ulice koje nisu obuhvaćene ak-



Zaštićeni uposlenici i građani

tuelnim programom pranja koji provodi KJKP„Rad“, s akcentom na ulice u padinskim dijelovima.

Preporuke poslodavcima i upraviteljima zgrada

Općinski štab civilne zaštite Stari Grad, na vanrednoj sjednici održanoj 22. marta donio je preporuku svim poslodavcima u ovoj općini da ne dozvoljavaju ulazak kupcima u trgovine i apoteke bez zaštitnih maski i rukavica. Zaduženi su upravitelji svih zgrada na području općine Stari Grad Sarajevo da vrše dezinfekciju svih ulaza i stubišta u objektima kolektivnog stanovanja u ovoj općini, minimalno jednom sedmično

Besplatan parking u javnoj garaži

Svi građani koji imaju potrebu za korištenjem parkinga u užoj gradskoj jezgri, mogu koristiti parking mjesta u podzemnoj garaži prekoputa Vijećnice, besplatno. Zbog vanredne situacije uzrokovane pojavom korona virusa, te značajnog smanjenja prometa, zarade i očekivanih ekonomskih posljedica, ovo je jedna od mjera koja će umanjiti svakodnevne troškove građana. Dakle, parking je besplatan u terminu od 07,00 do 23,00 sata, kada se garaža zatvara. Kapacitet podzemne garaže je 157 parking mjesta.



Besplatan parking za građane

35. sjednica

Općinskog vijeća

Na 35. sjednici Općinskog vijeća Stari Grad Sarajevo utvrđen je nacrt Odluke o zakupu stanova Općine Stari Grad Sarajevo osobama starosti do 30 godina i upućen u javnu raspravu u trajanju od 15 dana. Nacrtom je predviđeno da se mladim ljudima starosti do 30 godina omogući zakup stana čiji je vlasnik Općina Stari Grad. Ovo će pravo moći ostvariti mladi u bračnim zajednicama koji nemaju riješeno stambeno pitanje, žive kao podstanari i nisu dosad rješavali stambeno pitanje putem Općine Stari Grad. Uslov je i da imaju evidentirano prebivalište na području ove općine najmanje pet godina kontinuirano. Općina će dodjeljivati stanove nad kojima ima vlasništvo ili pravo raspolaganja, a u slučaju da ih je potrebno renovirati, te troškove će snositi zakupci, no sredstva uložena u adaptaciju kompenzirat će im se kroz



Nacrt odluke o zakupu stanova za mlade

zakupninu. Stanovi će se davati u zakup u maksimalnom trajanju od deset godina. Namjera je da se na ovaj način pomogne mladim ljudima u rješavanju stambenog pitanja, ali i pruži šansa da ostanu u BiH, odnosno općini Stari

Grad Sarajevo.

Općinsko vijeće Stari Grad Sarajevo usvojilo je i prijedlog Odluke o izmjenama i dopunama Poslovnika Općinskog vijeća Stari Grad, kao i izvještaj o radu za 2019. godinu.

36. sjednica

Općinskog vijeća

Na 36. sjednici Općinskog vijeća Stari Grad Sarajevo, održanoj 27. februara, sa 19 glasova za, jednim protiv i pet suzdržanih, usvojeni su prijedlozi akata o razrješenju:

Vršioća dužnosti pravobranioca Općine Stari Grad Sarajevo

Zamjenika pravobranioca Općine Stari Grad Sarajevo Abidina Hafizovića

Zamjenika pravobranioca Općine Stari Grad Sarajevo Rešada Jusupovića

Donošenje ove odluke predloženo je jer je v.d pravobranioca bez obrazloženja povukao Izvještaj o radu Pravobranilaštva Općine Stari Grad za period od 01.01-31.12.2019. godine, a koji je Vijeće trebalo razmatrati na 36. sjednici. U obrazloženju ovog prijedloga navedeno je da se, prema Odluci o pravobranilaštvu Općine Stari Grad Sarajevo pravobranilac i zamjenik pravobranioca smjenjuju od vršenja službe ako je utvrđeno da kroz duže vrijeme ne postižu zadovoljavajuće rezultate rada i neuredno i nekvalitetno obavljaju službu. Sekretar organa državne službe Općine Stari Grad dostavio je Općinskom vijeću materijal u kojem su potkrijepljene ove tvrdnje,



Rukovodstvo Općinskog vijeća Stari Grad Sarajevo

te izneseni i drugi detalji zbog kojih je zatraženo razrješenje.

Do okončanja procedure izbora novog zamjenika pravobranioca, u slučaju eventualne potrebe, vršenje poslova pravobranilaštva povjerit će se Pravobranilaštvu Kantona Sarajevo. Vijeće je usvojilo i prijedlog odluke kojim se daje ovlaštenje Pravobranilaštvu KS za zastupanje.

Pored tačaka koje se tiču izbora i imenovanja, te imovinsko-pravnih odnosa i oblasti poslovnih prostora, a koje su usvojene na 36. sjednici, izdvajamo i dvije inicijative koje su vijećnici

jednoglasno prihvatili. Prva inicijativa je za dodjelu stana Islamu Đugumu bivšem bosanskohercegovačkom atletičaru, specijalisti za trčanje maratona i ultramaratona, državnom rekorderu Bosne i Hercegovine i olimpijskom reprezentativcu.

Druga inicijativa je za osiguranje rebalansom budžeta sredstava u iznosu od 20.000 KM za pomoć bračnim parovima u svrhu liječenja neplodnosti i vantjelesne oplodnje.

Također je usvojen zaključak o izdavanju sredstava do 20.000 KM za participaciju u aktivnostima rješavanja migrantske krize.

Priznanja



Općina Stari Grad Sarajevo

najotvorenija lokalna samouprava u BiH

Općina Stari Grad Sarajevo u analizi otvorenosti lokalnih samouprava u Bosni i Hercegovini, zauzela je prvo mjesto sa 66,95% zadovoljenih indikatora. Monitoring je proveden u ukupno 145 općina u BiH, te Gradu Sarajevo, Gradu Istočno Sarajevo i Distriktu Brčko. Tim povodom, općinskom načelniku mr Ibrahimu Hadžibajriću uručen je certifikat OPĆINA STARI GRAD – najotvorenija lokalna samouprava u Bosni i Hercegovini za 2019. godinu.

Analiza je obuhvatala četiri principa: transparentnost, pristupačnost, integritet i učinkovitost, a cijenili su se budžetska transparentnost, javne nabavke, javne rasprave, pristup informacijama, izvještavanje o Općinskom/Gradskom vijeću i drugo.

Monitoring je četvrtu godinu zaredom provelo UG „Zašto ne“, a kako je istakla Selma Aščerić iz ovog udruženja, lokalne vlasti u BiH u 2019. godini ukupno su zadovoljile svega 34% postavljenih indikatora. „Općina Stari Grad imala je rezultat koji je zaista dobar 67%, Grad Tuzla zadovoljio je 60% indikatora, Grad Bijeljina 59%, Općina Ilijaš 58%, te Općina Tešanj sa rezultatom od 58%. Ove općine i gradovi su imali najbolji rezultat kad je u pitanju mjerenje za 2019. godinu,“ izjavila je Aščerić.

Istraživači kontrolisali web stranice, neke općine ih još uvijek nemaju

Govoreći o sarajevskim gradskim općinama i Gradu Sarajevo, Općina Stari Grad zauzima prvo mjesto sa 66,95% ispunjenih indikatora, na sedmom mjestu je Općina Novo Sarajevo sa 53,53%, potom na 22.mjestu Općina Centar sa 44,75%, na 28.mjestu Grad Sarajevo sa 42,07% i na 68.mjestu Općina Novi Grad Sarajevo sa 35,35% ispunjenih indikatora.

O načinu provođenja monitoringa govorila je Danira Karović, iz Udruženja „Zašto ne“

„Naš istraživač otvori općinsku web stranicu i prolazi kroz 80 i više indikatora i provjerava da li općina, grad ili distrikt

ima te podatke na svojoj stranici. Neki su veoma jednostavni podaci, poput: da li općina objavljuje svoj statut, plan rada, poslovnik o radu i slično, a neki su komplikovaniji,“ kazala je Karović i pojasnila da su set indikatora koji se ocjenjuju napravili na osnovu metodologije, odnosno preporuka međunarodnih institucija.

„To su budžeti, izvještaji o izvršenju budžeta, planovi rada, izvještaji o radu, javne nabavke, strateški dokumenti, nadležnosti itd,“ pojasnila je.

Cilj projekta je postići proaktivnu transparentnost, način rada u kojem institucija u roku od sedam dana objavljuje planove, programe, dokumente koje je napravila, te da se omogući lakši pristup informacija za javnost a bez pozivanja na Zakon o slobodi pristupa informacijama.



Najotvorenija Općina u Bosni i Hercegovini



Sa konferencije za medije

Održan Dan otvorenih vrata za građane

Građani se direktno obraćali pomoćnicima načelnika i rješavali probleme na licu mjesta • Na kompleksnija pitanja upućeni pismeni odgovori • Projekat se nastavlja

Općina Stari Grad je 26. februara počela jedinstven projekat unapređenja komunikacije sa građanima putem „Dana otvorenih vrata“. Ova praksa se uvela sa željom da se građanima olakšaju određene procedure i na jednom mjestu u što kraćem vremenu daju potrebne informacije i odgovore na sve njihove upite.

„Na ovaj način omogućavamo građanima da u razgovoru sa mojim pomoćnicima na licu mjesta rješavaju svoje probleme. To je posao i dužnost državnih službenika, da budu na raspolaganju građanima. Pored toga što su službe otvorene za prijem građana, željeli smo i ovako na jednom mjestu da okupimo rukovodeće državne službenike koji će odgovarati na pitanja, „izjavio je načelnik Hadžibajrić.

Građanima na raspolaganju bile sve službe

U Velikoj sali Općine Stari Grad građanima su na raspolaganju bili pomoćnici načelnika i rukovodioci svih općinskih službi. Na ovaj način i u terminu koji više odgovara zaposlenim osobama, ostvarena je direktna i otvorena komunikacija, u najkraćem mogućem roku je pružen uvid u stanje predmeta i drugo. Pored pomoćnika i rukovodioca službi, Danu otvorenih vrata je prisustvovao i općinski načelnik mr. Ibrahim Hadžibajrić, kao i sekretarka organa državne službe mr. Alma Destanović, koja je također odgovarala na upite građana iz Starog Grada.

Od 16,00 sati kada su otvorena vrata Velike općinske sale, počeo je pristizati veliki broj građana, a neki nisu krili oduševljenje ovom jedinstvenom inicijativom. Jedna od njih je bila Delfa Kamhi: „Čim sam čula za ‘Dan otvorenih vrata’ jako sam se obradovala, jer bez mnogo najava i dodatne papirologije možemo otići do osobe koja nam može pomoći i uputiti nas. Zaista sve čestitke načelniku Hadžibajriću, koji je poznat kao otvorena i transparentna osoba, a ovim to na još jedan način dokazuje i



Jedinstven projekat unapređenja komunikacije s građanima

‘Dan otvorenih vrata’ se nastavlja

Najveći broj upita građana bio je usmjeren prema službama za urbanizam, investicije i komunalne poslove, inspekciju, te lokalni razvoj i poslove mjesnih zajednica. Svim građanima kojima se nije moglo odgovoriti na licu mjesta, odgovori će se uputiti pismenim putem, u roku od 48 sati. ‘Dan otvorenih vrata’ se nastavlja, te će naredni termin biti blagovremeno najavljen građanima.

hvala na tome“, kazala je Delfa.

Za Emiru Kasumagić iz mjesne zajednice Medrese ovo je najbolji način da se Općina približi građanstvu: „Pohvaljujem inicijativu, iskreno ne znam da li je ikad ijedna javna institucija učinila nešto slično. Došla sam da zamolim nadležnu službu da se povede malo više računa o čistoći nekih dijelova MZ Medrese“, poručila je Emira. Edin Ljubović iz mjesne zajednice Hrid-Jarčedoli je također pohvalio novi pristup Općine Stari Grad, te izrazio nadu da će se u praksi stvari realizovati na samom terenu.



Sekretarka Destanović sa građanima



Građani izložili svoje probleme

Infrastruktura

Posjetili smo Nadmline,

nova kaldrma na zadovoljstvo građana

Kaldrma u ulici Nadmlini na Kovačima je izuzetno važna putna komunikacija za veliki broj građana ovog naselja. „To je za nas petominutna kratica od Vijećnice do Kovača,“ gotovo uglas kazali su Dževad Pećanac, starosjedilac Nadmlina i njegova komšinica iz ulice Halilbašića Nermana Hasanović kada smo ih pitali o radovima u ulici.

Realizaciju ovog značajnog projekta, Općina počela krajem prošle godine. Iako se kaldrme u današnje vrijeme često uklanjaju jer su nepraktične i skupe za održavanje u odnosu na asfalt, Općina nastoji očuvati tradiciju i ambijentalnu vrijednost svojih ulica i mahala i vratiti im nekadašnji duh. A, u Nadmlinima je sačuvano od propadanja i zaborava više od 100 metara kaldrme.

Stepenice simetrične, ivičnjaci odlični, postavljena rasvjeta

No, vratimo se našim sagovornicima. Dževad Pećanac je rođen u Nadmlinima i živi ovdje 64 godine, pa je bio pravi sagovornik na temu koliko za naselje znači sanacija ulice. „Ovdje živim već 64 godine i nikada do sada ova ulica nije bila ovako uređena. Radovi su izvedeni vrhunski. Svaka stepenica je simetrična, ivičnjaci odlični, rasvjeta kakva nikad dosad nije bila“, s oduševljenjem je ispričao Dževad.

„Moram spomenuti i igralište koje je nam je u ulici napravljeno. Tu je prije



Projekat koštao 113.000 KM

bilo odlagalište otpada, a sada imamo novi teren za mlade. Hvala načelniku i svima koji su nam ovo omogućili. Šta reći više...“.

Nermana Hasanović je istog mišljenja. „Moj svekar je 53' godište i kaže da se ne sjeća da je ikada rađena sanacija ove ulice. Svi smo prezadovoljni ovim što smo dobili i još ne možemo vjerovati da je ovo sada prohodno stepenište“, ispričala je Nermana i dodala da se stepenište zbog neprohodnosti ranije manje koristilo.

„Ovo stepenište je nama kratica do grada, ali ga nismo mogli koristiti. Bilo je potpuno nepristupačno, klizavo i ljeti, a zimi da i ne govorim. Bilo je zaraslo u rastinje, bacalo se smeće, a u donjem dijelu se nije smjelo hodati od pasa lualica. A,

Projekat koštao 113.000 KM

Inače, ovaj projekat je koštao 113.000 KM, a radove je izvodila firma Klico trans gradnja iz Sarajeva. Ukupno je za sanacije kaldrma u 2019. godini općinski načelnik iz budžeta izdvojio oko 190.000 KM, a pored Nadmlina, kaldrme su sanirane i na lokacijama: Iza gaja kod br.29, Trčivode gornje kod br.8 i Brdo džamija.

znam i za slučajeve da su lopovi napadali prolaznike noću jer uopšte nije bilo rasvjete. A, sad je sve to za nas prošlost. Sada se sa posla vraćam kući ovim putem bez ikakvog straha. Osvijetljeno je i zaista divno urađeno“, ispričala je Nermana.

Nova kaldrma u ulici Jekovac

U ulici Jekovac sanirana je kaldrma. Uz mezarje Kovači, urađena je sanacija kaldrmisanog trotoara, kojim je prije bilo otežano kretanje pješaka usljed velikih oštećenja.

Riječ je o vrlo frekventnoj ulici i trotoaru na putu prema Žutoj tabiji, gdje su zbog padavina i drugih uticaja nastale veće rupe i oštećenja. Trotoar je saniran od Žute tabije, u ukupnoj dužini 166 metara i na njemu je zadržana kaldrma (oblutci). Za postavljanje nove kaldrme angažovana je firma Klico trans gradnja iz Sarajeva, koji su ručno, s puno pre-



Saniran trotoar u dužini od 166 metara

ciznosti spajali oblutak po oblutak.

Podsjećamo, ovom projektu prethodilo je potpisivanje sporazuma o zajedničkom finansiranju radova između načelnika Općine Stari Grad Ibrahima Hadžibajrića i direktora JU Fonda Memorijala KS Suada Zijadića, koje je održano sredinom septembra, prošle godine. Obje strane izdvojile su po 19.000 konvertibilnih maraka. Općina Stari Grad na ovaj način nastavlja investirati u sanaciju putne i komunalne infrastrukture na svojoj teritoriji u cilju osiguranja kvalitetnih uslova života svojih građana.



Završava se veliki infrastrukturni projekat na Širokači vrijedan 650.000 KM

Dvadeset domaćinstava prvi put dobili kanalizacionu mrežu • Ugrađeno 666 metara novih cijevi • Počele pripreme za asfaltiranje ulica • Građani svjesni značaja projekta

Završena je zamjena kanalizacionih cijevi u ulicama Berkuša mala i Berkuša velika, a po prvi put ugrađene su kanalizacione cijevi u ulici Hadži Mustafe Bostarića na Širokači, potvrđeno je u Službi za investicije i komunalne poslove Općine Stari Grad.

Okončani su i radovi na individualnim priključcima u sve tri ulice. U toku je asfaltiranje ulica Berkuša mala i Berkuša, čime će projekat biti završen. Podsjećamo da je riječ o velikom infrastrukturnom projektu rekonstrukcije separate kanalizacione mreže u ulici Hadži Mustafe Bostarića, na Širokači, vrijednom oko 650.000 konvertibilnih maraka.

Dvadeset domaćinstava ulice Hadži Mustafe Bostarića nisu imali kanalizacionu mrežu. Jedini način spajanja ove ulice na kanalizaciju bio je da se nove instalacije urade i u ulicama Berkuša velika i Berkuša mala. Ukupno je ugrađeno 666 metara novih cijevi.

Iz mjesne zajednice Širokača kažu da se rješava jedan od većih problema građana u ovom naselju. „Ovim projektom riješen je problem ne samo jedne ulice, nego jednog velikog naselja koje se nalazi između mjesnih zajednica Širokača i Toka – Džeka. Nepostojanje kanalizacije u ovoj ulici ugrožavalo je veliki broj ljudi“, potvrdili su.

Šta kažu građani?

Razgovarali smo i sa stanovnicima ulice Hadži Mustafe Bostarića: Ešefom Tajićem, Hasretom Kurtanovićem, Hilmijom Haskovićem i Husnijom Šabotićem o tome šta za njih znači ovaj projekat.



Građani zadovoljni projektom

Ešef kaže da su više nego sretni urađenim poslom. „Svjesni smo da je ovo bio veliki projekat i da je puno koštao. Zaista smo neizmjerljivo zahvalni Općini i načelniku koji su ovo pokrenuli i uradili na vrhunski način“, ispričao je Ešef. I njegove komšije su sličnog mišljenja. Husnija Šabotić je kuću napravio '70. tih godina i kako kaže od tada se 'borio' da se kanalizacija provede do njihovih kuća. „Poslije rata ovdje se sagradilo još dosta objekata, tako da je problem postao toliko složen da je došlo do krajnjih granica“, ispričao je Husnija.

Njihov komšija Hasret Kurtanović kazao je kako su svi iz ulice bili spremni na bilo koji način pomoći izvođačima radova, kojima su također neizmjerljivo zahvalni na profesionalnosti. „Ovo je bio naš krucijalni problem i bili smo spremni na sve samo da se to uradi na pravi način“, kazao je Kurtanović. Inače, u ovoj ulici ima dvadesetak objekata sa oko stotinjak stanovnika.

Kako su se radovi izvodili i šta je sve urađeno do sada

Radovi su počeli s donje strane, iz mjesne zajednice Toka - Džeka tj. iz ulice Berkuša mala.

Osim što su zamijenjene stare cijevi u ulicama Berkuša velika i Berkuša mala, te postavljene cijevi u ulici Hadži Mustafe Bostarića, u ulici Berkuša velika urađena je i sanacija vodovodne mreže zajedno sa priključcima. Ovi radovi su morali biti urađeni jer se na dijelu trase nova kanalizaciona instalacija nalazila u koliziji sa postojećom vodovodnom, tako da je bilo neophodno uraditi izmiještanje i sanaciju vodovodne mreže.

Urađeni su priključci za 40 stambenih objekata, slivnici za prihvat oborinskih voda, koji su priključeni na novu kišnu kanalizaciju, te 56 novih šahtova.

Deset godina podrške projektu 'Inkluzija kroz sport i kulturu'



Hadžibajrić i Kudus

Općina Stari Grad Sarajevo već desetu godinu finansira projekat 'Inkluzija kroz sport i kulturu', kojeg realizuje Sportsko društvo slijepih i slabovidnih osoba Kantona Sarajevo u četvrtim razredima osnovnih škola s područja općine Stari Grad. Kroz projekat će se i ove godine organizovati edukativna nastava za učenike u osnovnim školama o načinu i organizaciji slijepih i slabovidnih osoba, pikado turnir za učenike i šetnja 'Gledate nas, a da li nas vidite?'

Sporazum o finansiranju projekta potpisali su 28. februara, načelnik Općine Stari Grad Ibrahim Hadžibajrić i predsjednik Sportskog društva slijepih i slabovidnih Kenan Kudus.

Hadžibajrić je podsjetio da Općina inkluziju kroz sport i kulturu podržava već deset godina u nastojanju da se starogradski osnovci zbliže i upoznaju sa slijepim i slabovidnim osobama.

Podsjetio je da Općina to društvo podržava i kroz projekte koji se svake godine održavaju u okviru obilježavanja Dana Općine Stari Grad, te da je to planirano i ove godine.

Ono što je novina ove godine je što će u sklopu projekta biti održana i edukativna radionica i za roditelje učenika starogradskih osnovnih škola.

Predsjednik društva Kenan Kudus je istakao da je do sada društvo realizovalo veliki broj projekata, ali inkluzija kroz sport je projekat na koji je najviše ponosan. Za Projekat 'Inkluzija kroz sport i kulturu' u posljednjih deset godina izdvojeno je više od 50.000 KM.

Projekti

OŠ „Mula Mustafa Bašeskija“ dobila i novu fasadu, stolariju i krov



Adaptacija koštala 450.000 KM

Adaptirana je Osnovna škola "Mula Mustafa Bašeskija", koja se nalazi u ulici Logavina, a za koju je Općina Stari Grad 2016. godine sagradila i potpuno novu sportsku salu.

Škola, koja je sagrađena 1929. godine, dobila je prije četiri godine novu salu na mjestu gdje je srušena stara, čime su se stekli mnogo bolji uslovi za nastavu tjelesnog odgoja i druge sportske aktivnosti. Projektom „Zeleni ekonomski razvoj“ stari dio objekta škole je dobio potpuno novu fasadu, stolariju i krov. Radovi na utopljanju ovog objekta, starog 90. godina počeli su u oktobru prošle godine, a cilj je bio osigurati kvalitetnije uslove za rad za više od 500 učenika koji je pohađaju, kao i za nastavno osoblje.

Tokom zimskog raspusta finalizirani su radovi na postavljanju unutrašnjih i vanjskih klupica, te obrada dijelova oko prozora. Tim radovima okončan je projekat obnove koji je trajao četiri mjeseca. Podsjećamo, u sklopu projekta radila se termoizolacija krova i zamjena kompletne stolarije na starom i novom dijelu objekta,

termoizolacija vanjskih zidova, te zamjena krovnog pokrivača na starom dijelu objekta. Mašinski radovi podrazumijevali se ugradnju automatske regulacije, ugradnju pumpi i kalorimetara, te intervencije na cijevnoj mreži na starom dijelu objekta, uključujući ugradnju radijatorskih ventila sa termostatskom glavom u oba objekta.

Projekat vrijedan 450.000 KM

Vrijednost projekta utopljanja OŠ "Mula Mustafa Bašeskija" iznosila je oko 450.000 konvertibilnih maraka, a finansirala ga je Vlada Švedske, posredstvom Ambasade Švedske u BiH, a implementirao UNDP u BiH. Finansijsku podršku projektu utopljanja OŠ "Mula Mustafa Bašeskija" dala je Općina Stari Grad Sarajevo, te Ministarstvo prostornog uređenja, građenja i zaštite okoliša Kantona Sarajevo. U projekat „Zeleni ekonomski razvoj“ Općina Stari Grad uključena je finansiranjem tri projekta: Muzička akademija, Vrtić „Biseri“ i OŠ "Mula Mustafa Bašeskija", ukupnim iznosom od 200.000 KM.

Općina izgradila novu sportsku salu

Prije četiri godine Općina je izgradila sportsku salu za OŠ "Mula Mustafa Bašeskija". Sala je opremljena potrebnim mobilijarom, a u okviru projekta urađena je i nova kotlovnica za sistem zagrijavanja. Izgradnja sale koštala je više od 700.000 KM.



Za salu prije četiri godine izdvojeno 700.000 KM



Sporazum o rekonstrukciji tri putna pravca

Sporazum o sufinansiranju realizacije prioritarnih projekata sveobuhvatnog unapređenja cestovne infrastrukture na području općine Stari Grad, potpisan je u februaru ove godine, između Ministarstva saobraćaja Kantona Sarajevo, Direkcije za puteve Kantona Sarajevo i Općine Stari Grad Sarajevo. Sporazum su potpisali općinski načelnik Općine Stari Grad Sarajevo mr. Ibrahim Hadžibajrić, tadašnji ministar saobraćaja Kantona Sarajevo Adnan Šteta i direktor Direkcije za puteve Selmir Kovač.

Prema riječima općinskog načelnika mr Ibrahima Hadžibajrića, radi se o projektima rekonstrukcije tri značajna putna pravca, koji nisu rekonstruisani još od agresije na BiH.

„Radit će se lokalna cesta Put za Barice, put prema Hreši do entitetske linije koji sigurno više od 50 godina nije rađen i još tri putne komunikacije prema Širokači, a radi se o ulicama Nadmejdani i Za beglukom,“ pojasnio je Hadžibajrić.

Sporazum vrijedan dva miliona maraka

Potpisani sporazum vrijedan je dva miliona konvertibilnih maraka, a to su sredstva koje će osigurati Direkcija za puteve KS. Općina Stari Grad obavezala se da će osigurati ostatak sredstava potrebnih za realizaciju najavljenih projekata.

Ministar saobraćaja KS Adnan Šteta pojasnio je da je prošle godine u saradnji sa Općinom Stari Grad pokrenuto

Uloženo četiri miliona maraka na rekonstrukciju ulica prošle godine

Općina Stari Grad u 2019. godini je rekonstruisala više od 30 ulica, za šta je uloženo oko četiri miliona KM. Sa Direkcijom za ceste zajedno je rađena sanacija ulica Ferhadija, Štromajerova, Zmajevac i Nova Baruthana.



Put prema Hreši

i realizovano nekoliko uspješnih projekata iz oblasti cestovne infrastrukture i saobraćaja.

Da se radi o nastavku uspješne saradnje potvrdio je i direktor Direkcije, Selmir Kovač.

„Ovo je nastavak uspješne saradnje Direkcije za puteve, Ministarstva saobraćaja i Općine Stari Grad. Moram istaći da je ova ideja nastala na inicijativu načelnika Hadžibajrića zbog unapređenja cestovne infrastrukture u općini Stari Grad. Mi smo to rado prihvatili jer smo sve projekte koje smo planirali s Općinom završili,“ izjavio je Kovač.

Udruženju penzionera Stari Grad dodijeljeno 45.000 KM



Halak i Hadžibajrić

Načelnik Općine Stari Grad mr. Ibrahim Hadžibajrić i predsjednik Udruženja penzionera Stari Grad Kasim Halak potpisali su sredinom februara Ugovor o finansijskoj podršci u iznosu od 45.000 KM. Sredstva će se putem udruženja rasporediti na penzionere u Starom Gradu sa najnižom penzijom, a u svrhu kupovine lijekova.

Ovdje je riječ o podršci koja se izdvaja iz općinskog budžeta na godišnjem planu, s tim što se iznos iz godine u godinu uvećavao, a sredstva su najviše korištena za nabavku lijekova članovima sa najnižim penzijama. „Na početku mog prvog mandata visina granta je bila oko 25.000 KM. Svjesni kolike su potrebe ove kategorije, mi smo s godinama povećavali grant da bismo ove godine izdvojili 45.000 KM. To je pomoć za one koji nemaju i koji su u potrebi za liječenje“, pojasnio je načelnik Hadžibajrić i dodao da je Općina oduvijek pomagala svoje najstarije građane, ali i one kojima je pomoć prijeko potrebna. „Imamo mi i veliki broj starijih osoba koji se javljaju za pomoć i mimo ovog udruženja. Obično oni pomoć dobiju kroz socijalna izdavanja i nadležne Službe za boračko-invalidsku i socijalnu zaštitu, a za tu namjenu izdvojimo godišnje oko 200.000 KM. To su jednokratne pomoći, sredstva za liječenje, za nabavku ogrjeva, plaćanje režija, kirija, dženaza i sahrana“, poručio je općinski načelnik Hadžibajrić.

U 2019. godini 800 starogradskih penzionera dobilo je općinsku pomoć za kupovinu lijekova preko Udruženja penzionera Stari Grad.

U toku je uređenje Bistričkog potoka



Uređenje Bistričkog potoka

Općina Stari Grad preko svoje Službe za civilnu zaštitu vrši uređenje Bistričkog potoka ugradnjom kamenog dna i ivičnog zida. Obaveza ove službe je redovni obilazak i održavanje korita potoka kako bi se u slučaju većih padavina spriječile eventualne poplave. Do poplava bi moglo doći ukoliko bi se u koritu Bistričkog potoka nagomilao otpad i došlo do začepjenja, te Civilna zaštita djeluje preventivno.

„Dio je ovo redovnih aktivnosti, s obzirom da od 2016. godine redovno, u fazama, vršimo radove na Bistričkom potoku. Prethodno je rađena izgradnja i regulacija korita potoka, pa čišćenje, popločavanje i zidanje kamenih zidova korita, a sve kako bi se spriječilo eventualno začepljenje uliva-kolektora Bistričkog potoka u Miljacku“, rekli su nadležnoj Službi, te dodali da se sada radi ukupno 40 metara dna i ivičnog zida, što je podijeljeno u četiri faze, po deset metara. Za izvođenje radova je zadužena općinska služba zaštite i spašavanja od rušenja Klico trans gradnja, a cijena projekta je 24.000 KM.

Ova lokalna zajednica, predvođena općinskim načelnikom mr. Ibrahimom Hadžibajrićem ulaže ogromne napore o osiguranje normalnih uslova za svakodnevni život svojih građana, što podrazumijeva i održavanje riječnih korita i potoka.



Radovi u toku

Projekti



Nova kanalizacija, asfalt, stepenište i zid

U proteklih desetak godina uložena su značajna sredstva u rekonstrukciju i obnovu vodovodne i kanalizacione mreže u Starom Gradu, a kako često ističe općinski načelnik mr. Ibrahim Hadžibajrić, ovakvi projekti važni su za svakodnevni život naših građana.

Još jedan takav projekat upravo je završen, a radi se o završetku rekonstrukcije separate kanalizacione mreže i asfaltiranju, te izgradnji stepenica i potpornog zida u kraku ulice Ispod Budakovića koji se nalazi između centralnog dijela ulice Ispod Budakovića i ulice Vrbanjuša.

Radovi na kanalizaciji završeni su prošle godine, a za završetak projekta preostala je izgradnja stepeništa i potpornog zida, što je i urađeno čim su se vremenski uslovi poboljšali, pojasnili su iz Službe za investicije i komunalne poslove Općine.

Vrijednost izvedenih radova na rekonstrukciji kanalizacije je 215.000 konvertibilnih maraka, a izvodio ih je konzorcij Klico trans gradnja i Termo - beton. Radilo se na dužini od oko 140 metara. Firma Oxa d.o.o. bila je zadužena za asfaltiranje, izgradnju stepenica i potpornog zida i ti radovi su koštali 150.000 KM.

Nova vodovodna mreža u centralnom dijelu

Pored ovih radova, prošle godine urađena je i rekonstrukcija vodovodne mreže u centralnom dijelu ulice Ispod Budakovića u dužini od 475 metara. Nakon toga ulica je asfaltirana u kompletnoj



Zamjena kanalizacionih cijevi



Novo kaldrmisano stepenište i zid



Asfaltirana ulica

dužini od 570 metara. Projekat sanacije ove ulice Općina je finansirala sa 160.000 KM.

Ukupno je u 2019. godini izdvojeno više od 1,8 miliona konvertibilnih maraka za rekonstrukciju i obnovu vodovodne i kanalizacione mreže u Starom Gradu.



U ovoj godini stipendije će dobiti 309 učenika i studenata

Skoro 300.000 KM bit će izdvojeno za stipendiranje učenika i studenata • I ove godine bez tradicionalnih zanata

Načelnik Općine Stari Grad Sarajevo mr. Ibrahim Hadžibajrić potpisao je u februaru, 2020. godine 309 ugovora sa korisnicima stipendija za školsku/akademsku 2019/2020. godinu, za što će biti izdvojeno 285.000 KM.

Stipendije je dobilo: 92 nadarena učenika i studenata, 212 učenika i studenata iz boračke kategorije i pet učenika deficitarnih zanimanja: mesar, hemijski čistač, elektroenergetičar, plinski vodoinstalater i krojač. Iako su stipendije namijenjene i učenicima koji izučavaju stare, tradicionalne zanate, nažalost ni ove godine nije bilo odziva.

Stipendije učenicima iz porodica boraca

Nakon provedene konkursne procedure i obrađenih zahtjeva, uslove za ove stipendije ispunilo je 96 učenika i 116 studenata. Pojašnjenja radi, svi učenici koji su dobili stipendije djeca su ratnih vojnih invalida i demobilisanih boraca. Za ovu kategoriju stipendija izdvojeno je oko 200.000 konvertibilnih maraka.

Načelnik Hadžibajrić je istakao da se lokalna vlast već godinama trudi da

stimuliše učenike i studente na ovaj način, te da je za ove kategorije stipendija u posljednjih 11. godina izdvojeno više od dva miliona maraka.

„Cilj ovih stipendija je podrška našim učenicima i studentima u vlastitom razvoju, sticanju znanja, te intelektualnih vještina i sposobnosti. Želimo da podstaknemo mlade i da budu primjer svima koji će se javljati u sljedećim godinama i

koje ćemo stipendirati u nadi da će ovdje izgraditi svoju budućnost”, istakao je načelnik Hadžibajrić. Napomenuo je i to da su stipendije dobili svi oni koji su ispunjavali uslove.

Stipendije za nadarene učenike i studente i učenike deficitarnih zanimanja

Stipendije su i ove godine dobili izrazito nadareni učenici i studenti, njih 92 i pet učenika deficitarnih zanimanja: mesar, hemijski čistač, elektroenergetičar, plinski vodoinstalater i krojač. Ova lokalna zajednica posvećuje značajnu pažnju obrazovanju mladih ljudi i osiguranju kvalitetnih uslova za njihov rad u obrazovnim institucijama.

„Znamo koliko je novca potrebno za obrazovanje pa se nadamo da uspijevamo barem malo olakšati našoj djeci, ali i njihovim roditeljima. Nama trebaju obrazovani ljudi, ali i zanatlije, majstori. Bez njih nema budućnosti ni u Sarajevu, ni u BiH“, poručio je načelnik Hadžibajrić prilikom potpisivanja ugovora sa ovim korisnicima. Ukupan iznos koji će biti dodijeljen kroz ove stipendije učenicima i studentima je 85.000 KM.



Sa podjele stipendija



Hadžibajrić sa Emom Muhić

Predstavljamo pobratimske općine



Općina Mamak Ankara -

Atatürkova administrativna prijestonica Turske

Stari Grad i Mamak pobratimske općine od 2013. godine • Općina Mamak ima skoro 700.000 stanovnika i površinu tri Sarajeva • Zajednički projekat 'Online tradicionalni kuhar sarajevske čaršije'

Nakon što je Općina Stari Grad potpisala korisne i značajne sporazume o bratimljenju sa turskim općinama Karamürsel (2006. godine), Osmangazi Bursa (2007. godine), Kepez Antalya (2009. godine), Silivri Istanbul (2010. godine), Selçuklu Konya (2011. godine) i Ümraniye (2013. godine), u ljeto 2013. godine potpisan je i Sporazum o bratimljenju i saradnji sa Općinom Mamak iz glavnog grada Turske, Ankare. Prethodno je u februaru te godine Općinsko vijeće Stari Grad jednoglasno prihvatilo Zaključak o prihvatanju Sporazuma o saradnji Općine Stari Grad sa Općinom Mamak, čime se jasno pokazalo opredjeljenje i spremnost za razvijanje dobrih odnosa sa općinama i gradovima, kao i promicanje temeljnih principa suživota i tolerancije.

Sporazum su svečano u Ankari u avgustu 2013. godine potpisali općinski načelnici Ibrahim Hadžibajrić i Mesut Akgül. Sporazum je obavezao Stari Grad i Mamak da djeluju u cilju realizacije projekata od zajedničkog interesa u oblastima privrede, kulture, obrazovanja, turizma, sporta, kao i zaštite prirodnog i kulturnog naslijeđa. Koliko je turskim prijateljima iz Ankare stalo do dobrih odnosa sa Starim Gradom govori i činjenica da su odmah iduće 2014. godine u maju mjesecu posjetili Općinu Stari Grad. Delegacija Općine Mamak, predvođena načelnikom Akgülom, je u posjeti boravila nakon nezapamćenih poplava koje su tada zadesile našu zemlju i napravile ogromne štete. S obzirom da na sreću Stari Grad nije pretrpio ozbiljne posljedice poput sjevernih dijelova BiH, općinski načelnik Hadžibajrić je Akgüla

uputio na prave adrese, a pobratimska Općina Mamak odmah je djelovala.

Projekat „Online tradicionalni kuhar sarajevske čaršije“

Znajući kakva je kulturno-historijska, ali i kulinarska destinacija Baščaršija, Općina Stari Grad i Općina Mamak 2016. godine zajednički su realizirali jedinstven projekat pod nazivom „Online tradicionalni kuhar sarajevske čaršije“. Oslanjajući se na savremene IT tehnologije kreirana je smartphone aplikacija koja promovira tradicionalnu starogradsku kuhinju na jedan inovativan i zanimljiv način. Online tradicionalni kuhar sarajevske čaršije je kreiran na tri jezika: bosanski, engleski i turski. Pored slasnih recepata, u ovoj aplikaciji su, kroz mapu Starog Grada,



Ibrahim Hadžibajrić i Mesut Akgül prilikom potpisivanja sporazuma 2013. godine

obuhvaćena i 23 starogradska restorana. Zahvaljujući aplikaciji korisnici mogu naučiti više o bosanskoj-sarajevskoj kuhinji, ali i naučiti kako se sprema Begova čorba, tarhana, krompiruša, lukmira, kadaif, salep i drugi specijaliteti koji korijene vuku iz Otomanskog carstva.

Općina Mamak – 66 mjesnih zajednica i 478 km² površine

Općina Mamak zauzima centralni i istočni dio Ankare. Iako mnogu smatraju Istanbul kao glavni grad Turske, u Ankari se nalaze neke od najznačajnijih turskih državnih institucija, te tako zvanično i s pravom nosi titulu glavnog grada Republike Turske. Općina Mamak, koja ima površinu kao tri Sarajeva, sjedište je najbitnijih državnih organa, kao i Univerziteta Ankara. Po posljednjem popisu iz 2018. godine ima skoro 700.000 stanovnika, koji žive u 66

mjesnih zajednica. Veza Ankare, odnosno Mamaka, sa ocem turske moderne nacije i države, Kemalom Atatürkom je neraskidiva. Nakon raspada Otomanskog carstva, Atatürk je 1920. godine u Ankari formirao Veliku narodnu skupštinu Turske, a tri godine poslije postao prvi predsjednik Republike Turske i proglasio Ankaru za glavni grad te danas moćne i značajne države u svijetu.

Zanimljivo da se nekadašnje administrativno sjedište Općine Mamak veže za Kemala Atatürka. Otac turske nacije je 1924. godine od te zgrade napravio prvu Muzičku akademiju u Turskoj. Akademija 1985. godine dobija novo sjedište, a Općina Mamak počinje djelovati u toj zgradi. Prije desetak godina izgrađeno je novo administrativno sjedište Općine Mamak.



Kemal Atatürk

Posjeta novog načelnika Općine Mamak

Nakon deset godina (2009-2019) na poziciji načelnika Općine Mamak Mesuta Akgüla na toj poziciji zamjenjuje jednako sposoban načelnik Murat Köse. Koliko Općini Mamak znači njihova pobratimska Općina Stari Grad govori posjeta novoimenovanog načelnika Kösea i njegove delegacije načelniku Hadžibajriću u oktobru prošle godine. Dva načelnika su iskoristila priliku da se upoznaju, a bilo je govora i o novim zajedničkim projektima koje bi ove dvije općine mogle realizovati u budućnosti.



Susret Hadžibajrića i novog načelnika Kösea

Sportisti

Sejfo Šehović - zlatni sportista i uzorni građanin iz Starog Grada

U sportskom svijetu dizanja tegova, kojim se bavi desetine hiljada ljudi sa svih kontinenata, ime Sejfe Šehovića iz Starog Grada, iz Bosne i Hercegovine, predstavlja najveći mogući respekt. Razlog je preko 70 medalja koje je ovaj uspješni sportista osvojio na raznim takmičenjima širom planete i to u disciplinama bench-press, powerlifting i deadlifting. Kako Sejfo često ističe, uz njegov velik, predan i požrtvovan rad, ovaj ogroman uspjeh ne bi bio moguć bez podrške njegove matične i jedine Općine Stari Grad, kao i općinskog načelnika mr Ibrahima Hadžibajrića. Ovim sportom se bavi cijeli svoj život, ali mu to nije jedina misija. Sejfo Šehović je penzionisani policijski službenik, a svoju policijsku karijeru je 2011. godine završio kao prvi čovjek Policijske stanice Stari Grad, te mu je na toj poziciji, služenje građanima Starog Grada bio prioritet i najdraža uloga.

Koliko je bio uspješan i na tom polju govori priznanje „Policajac godine“, koje mu je dodijelila Općina Stari Grad 2009. godine i to na svečanoj sjednici Općinskog vijeća povodom Dana Općine Stari Grad. Ovo priznanje se dodjeljuje pojedincima, policijskim službenicima za izuzetan doprinos i postignute rezultate u zalaganju za ostvarivanje što povoljnije bezbjednosne situacije na području Starog Grada, a Sejfo je to činio svakim danom svog djelovanja. Građani Starog Grada su 2016. godine izabrali Sejfu Šehovića za vijećnika Općinskog vijeća Stari Grad na period od četiri godine.

Oborio dva svjetska rekorda

Iako se očekuje da njegovi sportski rezultati sa godinama idu silaznom putanjom, za 60-godišnjeg Sejfu Šehovića to apsolutno ne važi. Protekla 2019. godina je bila jedna od najuspješnijih u njegovoj karijeri, a i 2020. je odlično počela. U 2019. godini Šehović je bio dobitnik dva evropska i dva svjetska zlata, zabilježio je i dvije pobjede na svjetskom kupu, a ta takmičenja su se održala u Turskoj, Slovačkoj, Mađarskoj i SAD-u. U februaru ove godine na svjetskom turniru



Sejfo Šehović, vrhunski sportista

„Arnold Classic“ u SAD-u (Ohio, Columbus), Sejfo je oborio dva svjetska rekorda, gdje je sa svojih 74 kilograma težine podigao 265 i 270 kilograma i zaslužno osvojio zlatnu medalju.




Hadžibajrić, Šehović i njegov tim



Preko 70 medalja

Spasio fudbalere FK „Sarajevo“ od opasnog napadača

Sejfo Šehović je u julu 2010. godine pokazao šta za njega znači bezbjednost građana. U Fojnici se pred početak prijateljske utakmice između vječitih rivala Željezničara i Sarajeva desio incident, a tragične posljedice je spriječio Sejfo Šehović. Naime na stadion je utrčao mladić sa nožem u ruci i uputio se u pravcu igrača FK „Sarajevo“. Shvativši da niko od prisutnih na tribinama ne poduzima ništa kako bi zaštitili igrače, Sejfo se bez imalo razmišljanja uputio na teren ka napadaču i spriječio najgore. Zanimljivo da se Sejfo u tom trenutku nije nalazio na dužnosti, već u ulozi običnog posjetitelja. Općinski načelnik mr Ibrahim Hadžibajrić je vrlo brzo reagovao i organizovao prijem u čast ovog hrabrog čovjeka, te mu uručio zasluženu nagradu.



Naziv institucija i telefon

Policija	122
MUP Stari Grad	033/283-100 033/283-101
Hitna Pomoć	124
Vatrogasci	123
Taxi Sarajevo	1515
Turistički informativni centri (Turistička zajednica KS)	033/252 000
Info centar Općine	033/233-184

Mjesne zajednice

MZ Babića bašča	033/533-541
MZ Baščaršija	033/533-673
MZ Bistrik	033/536-493
MZ Hrid-Jarčedoli	033/533-443
MZ Kovači	033/531-625
MZ Logavina	033/536-472
MZ Mahmutovac	033/535-935
MZ Medrese	033/532-703
MZ Mjedenica	033/226-725
MZ Sedrenik	033/532-432
MZ Sumbuluša	033/532-375
MZ Širokača	033/ 410-804
MZ Toka Džeka	033/538-184
MZ Ferhadija	033/226-122
MZ Vratnik	033/534-418
MZ Moščanica	033/240-547
Porezna Uprava Stari Grad	033/555-481 033/668-183
Apoteka „Baščaršija“	033/272-300
Biro Stari Grad	033/557-247
Općina Stari Grad Sarajevo	033/282-300

Općinska služba i telefon


Sekretar organa državne službe:	033/282-400
Služba kabineta	
Općinskog načelnika:	033/282-406
Stručna služba	
Općinskog vijeća:	033/282-495
Služba za boračko-invalidsku i socijalnu zaštitu:	033/282-397
Služba za investicije i komunalne poslove:	033/282-417
Služba za privredu:	033/282-359
Služba za imovinsko-pravne, geodetske poslove i katastar i stambene poslove:	033/282-335
Služba za obrazovanje, kulturu i sport:	033 282-365
Služba za urbanizam:	033/282-316
Služba za opću upravu i inspeksijske poslove:	033/282-357
Služba civilne zaštite:	033/282-395
Služba za odnose s javnošću i informacione sisteme:	033/282-491
Služba za lokalni razvoj i poslove mjesnih zajednica:	033/282-364
Služba za finansije:	033/282-427
Interni revizor:	033/282-403
Sektor za tehničke poslove i obezbjedenje:	033/282-424
Općinsko pravobranilaštvo:	033/282-379
Operativni centar	033/282-336

CORONAVIRUS

—● 2019-NCOV

—● ŠTA JE CORONAVIRUS?


Coronavirusi su velika porodica virusa, koje nalazimo kod ljudi i životinja. Pod elektronskim mikroskopom ovi virusi imaju oblik krune, zbog čega su nazvani po latinskoj riječi corona, što znači 'kruna'. Nakon pojave SARS-a u Kini 2002. g. te MERS-a na Bliskom Istoku 2012. g. (koji se još uvijek pojavljuje), sada ponovno imamo novi coronavirus koji se pojavio u Kini. Novi coronavirus is novi soj coronavirusa koji do sada nije bio otkriven kod ljudi. Svjetska zdravstvena organizacija ga je nazvala SARS-CoV-2 (SARS-coronavirus-2), a bolest koju uzrokuje COVID-19 ("coronavirus disease"). Otkriven je u Kini krajem 2019. godine.



Kina


—● SIMPTOMI

Najčešće uzorkuje blaže simptome poput curenja nosa, grlobolje, kašlja i povišene temperature. Kod nekih osoba može doći do otežanog disanja i razvoja upale pluća, a u rjeđim slučajevima i do smrti. Čini se kako su starije osobe i osobe s kroničnim bolestima (npr. bolesti srca i dijabetes) podložnije težim oblicima bolesti.



—● PRENOŠENJE VIRUSA

Čovjek se može zaraziti od bilo koje životinje ili kućnog ljubimca. Novi coronavirus uzrokuje respiratornu bolest i može se prenijeti s osobe na osobu, obično nakon bliskog kontakta sa zaraženim čovjekom, npr. u kućanstvu, na radnom mjestu ili u zdravstvenim ustanovama.



Zrakom



Životinjski kontakt




Ljudski kontakt



Zagađeni objekti

—● PREVENCIJA

Ne postoji posebno liječenje za ovu bolest. Pristup liječenju pacijenata s infekcijama vezanim uz coronaviruse je liječenje kliničkih simptoma (npr. povišene temperature) i pružanje njega. Trenutno su neki specifični lijekovi u fazi istraživanja



Nošenje maske



Pranje ruku sapunom najmanje 20 sekundi




Izbjegavajte kontakt sa životinjama



Izbjegavajte gužve



Slijedite upute ljekara



Koristiti dezinfekciona sredstva